

DE 2 VACATO

---

PROLOGVS A D  
LIVDVLPHVM ARCHI-  
EPISCOPVM.

*Frædicandus liberalis in Sanctos Deus.*

**N** omni cœraturarum multimoda vniuersitate, opifex earum Deus magnificus atque mirabilis perpenditur: & , cum solus lucem habitet inaccessibilem, ideoq; ab homine nullo qui mortali tegitur carne , videri possit; per ea tamen, quæ condidit, æstimari se concedit. In quibus omnibus, dum potens & mirificus euidenter appareat; perspicacius, pulchrius, atque dulcissimis in sanctis hominibus magnificantia ipsius irradiat. Hi deniq; voluntati eius morem gerendo , præceptorum disciplinæ semet penitus submittendo , Conditorem suum adsciscunt sibimet intimum habitatorem: huncque habentes cooperatorem, quam mirandus, quam potens, quam bonus Israël sit Deus, cæteris clarius ostendunt. Quod egregius Propheta rum Dauid, ingenio sagaci contemplans, *Mirabilis*, psal. 67. inquit, *Deus in Sanctis suis, ipse dat virtutem & fortitudinem.* ac si diceret. Vos, qui Sanctorum virtutes ammiramini , magis illum qui dat , contemplamini. Idem in vltimis psalmorum, vbi omnem creaturam in Dei laudes ordinat, electe atq; singulariter canendo inuitat : *Cantate Domino canticum nouum: laus* psal. 149. *(enim) eius (præcipua) in Ecclesia Sanctorum. Et iterum Laudate Dominum in Sanctis eius. Hymnus quo-* psal. 150.

## DE SANCTO

que trium puerorum , immanissimæ fornacis diuinatus igne sopito , concelebratus ; omnia Domini opera ad ipsum benedicendum ordine incitat : incipiens namque à summis , id est Angelis & Cœlis , descendit ad infima , id est terram & maria , in que his nascentia , atque habitantia . Quibus omnibus decursis , ita claudit . Benedicite Spiritus & animæ fustorum Domino , Benedicite Sancti & humiles corde Domino . ac si huiusmodi verbis , cantilinæ vim exponat : Omnia quidem opera Domini benedicendum illum significatis , quem in vobis miramur ; ineffabiliter tamen Sancti & humiles corde præbetis mirabilem , quem vobis promeruistis Cooperátem . Idcirco nullum oportet ambigere , quin in Deum transmittatur honor , qui Sanctis exhibetur . Et omnis , qui gesta & virtutes eorum scribit , aut prædicat , operantem in eis Dominum magnificat .

Huiusmodi ergò rei consideratione animatus , simulque Fratrum benignissimorum atque in Christi charitate feruidorum petitione pulsatus ; vitam & aëtus sanctissimi Patris eximijque Pontificis Pyrminij , describere conabor . Nam , et si temeritatis verear elo- gium , quod lingua minus limata , eloquio in culto , verborum inops , tam Reuerendæ dignitatem mate- riæ aggredi præsumo ; tamen fiducia robur ingerit , quæ de Dei gratia nullo modo desperare , permittit . Ipse enim cordis scrutator & examiner , plús rusticitatis benevolétiā , quā periti sermonis probat af- fluentiam : unde etiam Regni sui Euangelium magis in cultis piscatoribus , quam facetis commisit orato- ribus .

## PYRMINIO.

ribus. Quod tamē opus, tibi, Reuerendissime Archipræsul Liudolphe, considerādum & examinandū committo: quia fides & veritas te composuerūt; cæteræq; virtutū cateruæ tam firma tutela muniunt, vt liuore careas & ab omni vētositate immunis existas.

Precor ergò, vt si qua fuerint insulsè prolata, in meli<sup>9</sup> fingas; superflua reseces; nec ante in aures publicas prodire sinas, quam iusti examinis librâ perpensum, tuæ sagacitatis fuerit lima probatum. Quamuis enim mihi non insit cornea fibra, potius tamen iudicio, à prudentibus corrigi, quam adulatorum falsilioquio, commendari.

Sed iam tempus est, ad explicanda memorati Præfusis gesta vertere stylum: cuius, quæ fuerint ab incunectate ætate rudimenta, quibus in adolescentia sanctitatis rutilauerit floribus, vel quibus per omnem iuuētutem usq; ad promotionem Pontificatus, excreuerit virtutum insignijs; nimium culpanda Scriptorum incuria, notare neglexit. Paucā dūntaxat, quæ sub Pontificatus tempore gessit, obscure exarata reperimus; ipsa, si Christus opem dederit, cūdientius atque operosius exprimere studebimus.

Verum tamen quod magnifica fuerint in sanctitatis feroore, quæ Scriptores non fecerunt cognita; manifestauit quam post operatus est miraculorū eminentia: nam ipse, qui ait. *Ego glorificantes me glorificabo;* à consequentibus donavit argumentari,

quanta fuissent, quæ præcesserunt.